



**DASAR / GARIS PANDUAN
MAJLIS PERBANDARAN SEBERANG PERAI**

PERKARA	GARIS PANDUAN KRITERIA PEMBERIAN STIKER LETAK KERETA PERCUMA KEPADA ORANG KURANG UPAYA (OKU) – KRITERIA TAMBAHAN
JABATAN	KHIDMAT PENGURUSAN
DILULUSKAN	MESYUARAT MAJLIS PENUH KE 438 (8/2012) PADA 30 OGOS 2012
DISAHKAN UNTUK DIGUNAPAKAI	30 OGOS 2012
NAMA	HJH NORAZIAH BT HJ ABDUL AZIZ
TANDA TANGAN	
TARIKH	

PELEKAT MELETAK KERETA PERCUMA KEPADA ORANG KURANG UPAYA (OKU) DAN PENJAGA

1. Dimaklumkan bahawa pelekak meletak kereta percuma OKU boleh dipohon di Tingkat 14, Jabatan Khidmat Pengurusan dan Kaunter Berpusat , Majlis Perbandaran Seberang Perai, Bandar Perda dengan mengisi borang permohonan dan mengemukakan :-
 - Salinan Kad OKU yang dikeluarkan Jabatan Kebajikan Masyarakat
 - Salinan kad pengenalan
 - Salinan lesen memandu
 - Salinan geran kenderaan
 - Sekeping gambar passport
2. Kriteria tambahan pemberian pelekak meletak kereta percuma OKU iaitu pemberian kepada penjaga. Definisi penjaga ialah suami , isteri, anak, ibu, bapa, adik beradik seperti abang, adik, kakak dan sebagainya dengan syarat semua dokumen dapat dibuktikan betul. Syarat dokumen pertalian keluarga dapat dibuktikan melalui sijil nikah atau surat beranak. Salinan hak milik kereta juga hendaklah dibuktikan kepunyaan OKU atau keluarga tersebut.
3. Definisi penjaga diperluaskan asalkan penjaga tersebut dapat menunjukkan bukti bahawa beliau menjaga dan tinggal dengan OKU dengan syarat alamat penjaga hendaklah sama dengan alamat OKU.
4. Kemudahan ini diperluaskan kepada OKU seluruh negeri Pulau Pinang
5. Pemohon hanya layak menerima 1 pelekak sahaja. Jika pelekak hilang, denda sebanyak RM30.00 akan dikenakan terhadap pemohon yang ingin mendapatkan pelekak baru. Sehubungan itu, syarat sebelumnya di mana pemohon diminta mengemukakan salinan report polis adalah dibatalkan.
6. Tempoh sah penggunaan pelekak ini hanya 2 tahun sahaja.

**Sumber : Minit Mesyuarat Majlis Penuh Ke-438 (8/2012)
Majlis Perbandaran Seberang Perai**

Klausa Tambahan : -

Panduan mengawal petak meletak kereta dari disalahgunakan :-

- Penguatkuasa akan mengenakan kompaun sebanyak RM100.00 tanpa sebarang rayuan untuk pengurangan harga sekiranya menyalahgunakan petak meletak kereta OKU di seluruh Seberang Perai.
- Papan tanda makluman kunci tayar hendaklah dipacak berhampiran petak meletak kereta OKU sebagai pemberitahuan amaran sekiranya menyalahgunakan petak meletak kereta OKU.
- Jabatan Perancang Bandar juga perlu mensyaratkan dalam pelan kelulusan merancang bahawa petak meletak kereta OKU mesti disediakan.

4.8 **KERTAS MESYUARAT BIL. 67/2012**
Cadangan Mengemaskini Dasar Pelekat Meletak Kereta Percuma Untuk Orang Kurang Upaya (OKU)

- 4.8.1 Tujuan kertas ini adalah untuk mendapat kelulusan Majlis bagi mengemaskini dasar pelekat meletak kereta untuk Orang Kurang Upaya (OKU).
- 4.8.2 Mesyuarat Jawatankuasa Pentadbiran dan Kewangan Bil. 10/2010 telah meluluskan Kertas Mesyuarat Bil. 105/2010 yang dibentangkan oleh Direktorat Penguatkuasaan bertajuk 'Cadangan Menyediakan Petak Letak Kereta Untuk Orang Kurang Upaya (OKU)':
- 4.8.3 Dalam Kertas Mesyuarat Bil. 105/2010, Perkara 5.6.4 para iii. menyatakan bahawa MPSP akan menyediakan pelekat meletak kereta secara percuma kepada OKU. OKU hendaklah memohon untuk mendapatkan pelekat dengan mengemukakan kad OKU yang dikeluarkan oleh Jabatan Kebajikan Masyarakat dan mempunyai lesen memandu yang sah.
- 4.8.4 Pelekat percuma dikeluarkan kepada kereta OKU dan kereta keluarga terdekat seperti suami atau isteri, ibu, bapa dan anak dengan syarat dokumen pertalian keluarga dapat dibuktikan melalui salinan sijil nikah atau surat beranak. Salinan hak milik kereta juga hendaklah dibuktikan kepunyaan OKU atau keluarga terdekat.
- 4.8.5 Mesyuarat Jawatankuasa Pentadbiran dan Kewangan Bil. 4/2011 telah meluluskan Kertas Mesyuarat Bil. 43/2011 bertajuk 'Mengkaji Semula Kriteria Pemberian Stiker Letak Kereta Percuma Kepada Orang Kurang Upaya (OKU).

- 4.8.6 Kertas Mesyuarat Bil. 43/2011, Perkara 4.6.5 mengesyorkan kriteria tambahan pemberian pelekat meletak kereta percuma kepada penjaga OKU yang dibataskan kepada kes-kes seperti cacat penglihatan, lumpuh, kurang kecerdasan otak dan lain-lain ketidakupayaan yang memerlukan bantuan penjaga untuk menguruskan OKU.
- 4.8.7 Mesyuarat Jawatankuasa Pentadbiran dan Kewangan Bil. 4/2011 juga memutuskan bahawa pelekat percuma diberikan kepada pemohon yang bekerja di Seberang Perai tetapi menetap di Pulau Pinang. Hanya satu (1) permohonan pelekat dibenarkan dan tempoh sah adalah selama 2 tahun.
- 4.8.8 Mesyuarat Jawatankuasa Pentadbiran dan Kewangan Bil.10/2011 pada 15 November 2011 telah meluluskan klausa tambahan bagi pemberian pelekat meletak kereta percuma. Takrifan penjaga diperluaskan kepada adik beradik seperti abang, kakak dan sebagainya dengan syarat semua dokumen dapat dibuktikan betul manakala Tuan yang Dipertua mempunyai hak untuk mempertimbangkan mana-mana permohonan pelekat meletak kereta OKU yang difikirkan wajar diberi kelulusan.
- 4.8.9 Jabatan Khidmat Pengurusan telah mengurus dan mengeluarkan pelekat meletak kereta percuma kepada OKU bermula 1 Januari 2011.
- 4.8.10 Jabatan menerima komen dan pandangan daripada pihak OKU yang menyuarakan bahawa kemudahan pelekat percuma OKU sepatutnya diperluaskan kepada semua OKU seluruh Negeri Pulau Pinang.
- 4.8.11 Pada 19 Jun 2012, pihak Jabatan telah mengadakan perbincangan dengan pihak yang menguruskan pelekat percuma OKU di MPPP. Berdasarkan perbincangan tersebut didapati terdapat tiga (3) perkara yang boleh diseragamkan oleh MPSP dan MPPP bagi memudahkan urusan pemberian pelekat meletak kereta percuma kepada OKU.
- 4.8.12 Merujuk kepada perkara 4.8.11 di atas, maka Jabatan mencadangkan supaya :
- (i) Kemudahan ini diperluaskan kepada OKU seluruh Negeri Pulau Pinang?
 - (ii) Jika pelekat hilang, denda sebanyak RM30.00 akan dikenakan terhadap pemohon yang ingin mendapatkan pelekat baru. Sehubungan itu, syarat sebelumnya di mana pemohon diminta mengemukakan salinan report polis adalah dibatalkan?
 - (iii) Definisi penjaga diperluaskan asalkan penjaga tersebut dapat menunjukkan bukti bahawa beliau menjaga dan tinggal dengan OKU dengan syarat alamat penjaga hendaklah sama dengan alamat OKU?
- 4.8.13 Majlis mencadangkan supaya Direktorat Penguatkuasaan tidak mengenakan kompaun kepada kenderaan yang mempunyai pelekat percuma OKU yang dikeluarkan oleh MPPP.

4.8.14 Ahli Majlis mencadangkan supaya membolehkan pelekat percuma OKU yang dikeluarkan oleh MPPP digunakan di Seberang Perai.

4.8.15 Selepas perbincangan, ~~Majlis bersefui meluluskan~~ cadangan mengemaskini dasar pelekat meletak kereta percuma untuk Orang Kurang Upaya (OKU) seperti di para 4.8.12 (i) hingga (iii) dengan klausa tambahan iaitu :

- i) ~~Direktorat Penguatkuasaan tidak akan mengenakan kompaun kepada kenderaan yang mempunyai pelekat percuma OKU yang dikeluarkan oleh MPPP.~~

Tindakan : Pengarah Khidmat Pengurusan
